



სსიპ საქართველოს შსს მომსახურების სააგენტო

სატენდერო დოკუმენტაცია

გამარტივებული ელექტრონული ტენდერის საშუალებით

სსიპ საქართველოს შსს მომსახურების სააგენტოს დასავლეთ საქართველოს სამმართველოს ფოთის

განყოფილებაში მკვებავი ელ. კაბელის დემონტაჟი-მონტაჟის სამუშაოების შესყიდვა

CPV-45300000

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვების პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 7 აპრილის №9 ბრძანების შესაბამისად.

1.2 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.3 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.4 პრეტენდენტს არა აქვს უფლება წარმოადგინოს ალტერნატიული წინადადება.

სატენდერო დოკუმენტაციის შესახებ დამატებითი ინფორმაციის და განმარტებებისათვის მიმართეთ სატენდერო კომისიის აპარატს: მერაბ ჯიბუტი ტელ: 577 76 88 67; ტექნიკური კითხვებისათვის დაუკავშირდით გივი ჟორჟოლიანი: 577 94 33 16. მის: ქ. რუსთავი, თბილისი-წითელი ხიდის გზატკეცილის 21-ე კმ.

2. ტექნიკური დოკუმენტაცია:

2.1 შესყიდვის ობიექტის ტექნიკური პირობები:

სამუშაოთა ჩამონათვალი, მოცულობები, გამოყენებული მასალების ტექნიკური მახასიათებლები და საპროექტო გეგმები იხილეთ სატენდერო დოკუმენტაციასთან დართულ ფაილებში.

შენიშვნა: პროექტისა და ხარჯთაღრიცხვის იმ ნაწილში სადაც მოცემული იქნება შესასყიდი მასალებისა და მოწყობილობის სასაქონლო ნიშანი, მოდელი, წარმოშობის წყარო ან მწარმოებელი, იგულისხმება „მსგავსი“ ან „ეკვივალენტური“.

2.2 პრეტენდენტის გამოცდილება:

2.2.1 პრეტენდენტს 2014-2015 წლების განმავლობაში უნდა გააჩნდეს მსგავსი ტიპის სამუშაოების განხორციელების გამოცდილება, რომელთა ჯამური ღირებულება უნდა შეადგენდეს არანაკლებ **10 000** (ათი ათასი) ლარს.

3. სხვა მოთხოვნები:

3.1.1 სამუშაოების შესრულების ვადები: ხელშეკრულების გაფორმებიდან **25 კალენდარული დღის** განმავლობაში.

3.1.2 სამუშაოების შესრულების ადგილი: ფოთი, ჭავჭავაძის ქ. N146 სსიპ საქართველოს შსს მომსახურების სააგენტოს დასავლეთ საქართველოს სამმართველოს ფოთის განყოფილება.

3.2 სატენდერო წინადადების ფასი.

3.2.1 შესყიდვის სავარაუდო ღირებულებაა **4359,00 (ოთხიათას სამასორმოცდაცხრამეტი) ლარი.**

3.2.2 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. გარდა დამატებული ღირებულების გადასახადისა. იმ შემთხვევაში, თუ ტენდერში გამარჯვებული პრეტენდენტი დღგ-ს გადამხდელია ხელშეკრულების გაფორმებისას სატენდერო წინადადების ფასს დაემატება დამატებული ღირებულების გადასახადი.

3.2.3 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

3.3 ანგარიშსწორების პირობები.

3.3.1 ანგარიშსწორების ფორმა - უნაღდო.

3.3.2 შემსყიდველი იღებს ვალდებულებას აუნაზღაუროს შემსრულებელს სამუშაოს ღირებულება ეტაპობრივად,

ყოველი კონკრეტული სამუშაოს შესრულებიდან კანონმდებლობის შესაბამისად ანაზღაურებისათვის საჭირო დოკუმენტაციის (ფორმა №2, ფორმა №3) წარმოდგენიდან 20 კალენდარულ დღეში.

3.3.3. წინასწარი ანგარიშსწორება (ავანსი) არ გამოიყენება.

3.4 პრეტენდენტის მიერ ერთიან ელექტრონულ სისტემაში ასატვირთი მონაცემები:

3.4.1 ხარჯთაღრიცხვა სატენდერო დოკუმენტაციის დანართი N2-ის მიხედვით;

3.4.2 სამუშაოს შესრულების გეგმა-გრაფიკი გაწერილი 25 (ოცდახუთი) კალენდარულ დღეზე.

3.4.3 ინფორმაცია საგარანტიო ვადის შესახებ - შესასრულებელ სამუშაოზე, გამოსაყენებელ მასალებზე და აგრეგატებზე საგარანტიო ვადა დანართი N3-ის შესაბამისად.

3.4.4 ინფორმაცია 2014-2015 წლების განმავლობაში განხორციელებული სამუშაოების თაობაზე (შესყიდვების ერთიან ელექტრონულ სისტემაში ატვირთული უნდა იყოს შესაბამისი სამუშაოების შესრულების დამადასტურებელი დოკუმენტების ასლები), რომელთა ჯამური ღირებულება უნდა შეადგენდეს არანაკლებ 10 000 (ათი ათასი) ლარს. ან პრეტენდენტის მიერ მითითებულ იქნას სხვა შესაბამისი ოფიციალური ინფორმაცია, რომლის მიხედვითაც შესაძლებელი იქნება პრეტენდენტის მიერ განხორციელებული ზემოაღნიშნული ანალოგიური სამუშაოების შესრულების დადასტურება.

3.4.5 ინფორმაცია ანგარიშსწორების პირობების შესახებ.

3.4.6 რეკვიზიტები დანართი №1-ის მიხედვით;

4. ხელშეკრულების უზრუნველყოფის საბანკო გარანტია:

4.1 არ გამოიყენება

5. დამატებითი ინფორმაცია:

5.1 პრეტენდენტს არ აქვს უფლება წარმოადგინოს ალტერნატიული სატენდერო წინადადება.

შენიშვნა:

1. სსიპ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მე-11 მუხლის მე-2¹ პუნქტის შესაბამისად:

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში

დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, უნდა დასაბუთდეს აკრედიტირებული პირის მიერ გაცემული ექსპერტიზის დასკვნით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2. პრეტენდენტმა უნდა მიუთითოს ფასები ხარჯთაღრიცხვის ჩამონათვალში მოცემულ სამუშაოთა ყველა სახეობაზე. ხარჯთაღრიცხვაში განუფასებელი ან ნულით განფასებული სამუშაოები შემსყიდველის მიერ არ ანაზღაურდება და ჩაითვლება, რომ ეს სამუშაოები დაიფარება სხვა სამუშაოების ხარჯზე.

3. პრეტენდენტმა უნდა მიუთითოს გაუთვალისწინებელი ხარჯი იმ პროცენტული ოდენობით, რა პროცენტული ოდენობითაც მითითებულია სატენდერო დოკუმენტაციის ხარჯთაღრიცხვაში.

„დანართი №1“

პრეტენდენტის იურიდიული ფირმის დასახელება;

ხელმძღვანელის სახელი და გვარი;

პრეტენდენტის იურიდიული ან/და ფაქტიური მისამართი;

საიდენტიფიკაციო კოდი;

ბანკის კოდი;

ანგარიშის ნომერი;

პრეტენდენტის ტელეფონის ნომერი;

ელექტრონული მისამართი;

პრეტენდენტის ხელმოწერა და ბეჭედი

ხელშეკრულების პროექტი

ხელშეკრულება N _____
სახელმწიფო შესყიდვის შესახებ
(ელექტრონული ტენდერი SPA-----)

ქ. რუსთავი

“___“ _____” 2015 წ.

სსიპ - საქართველოს შსს მომსახურების სააგენტო (მის: ქ. რუსთავი, თბილისი-წითელი ხიდის გზატკეცილის 21-ე კმ, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 205190513), შემდგომში წოდებული „შემსყიდველად“, წარმოდგენილი _____ სახით და

მიმწოდებელი: შპს/სს/იმ/ფპ „XXXXXX“, საიდენტიფიკაციო კოდი XXXXXXXXXXX;

მისამართი, ტელეფონი: ქ. XXXX, XXXX ქ. №XX. ტელ: XXX XX XX;

დირექტორი/უფლებამოსილი წარმომადგენელი: XXXX XXXXXX;

საბანკო რეკვიზიტები: სს „XXXX ბანკი“ ბანკის კოდი: XXXXXX; ანგ. ანგარიში: XXX XXX XXX XXX

ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ამავე კანონის მე-X მუხლის მე-X პუნქტის „X“ ქვეპუნქტის საფუძველზე, ვდებთ წინამდებარე ხელშეკრულებას:

1 გამოყენებული ტერმინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება“ – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს სამუშაოს შესრულებას ამ ხელშეკრულების ფარგლებში.

1.6 „სამუშაო“ – წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

1.7 „ტექნიკური დოკუმენტაცია“ – მიმწოდებლის მიერ SPAXXXXXXXX ელექტრონულ ტენდერში სატენდერო წინადადებით

წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2 ხელშეკრულების საგანი

----- CPV- 45300000.

3 ხელშეკრულების ღირებულება

3.1 ხელშეკრულების ღირებულებაა: **XXXX (თანხა სიტყვიერად) ლარი.**

3.2 ხელშეკრულების ღირებულება მოიცავს, როგორც შესასრულებელი სამუშაოს ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, **გარდა სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ (შემდგომში - „ექსპერტიზის ეროვნული ბიურო“) ან სხვა „აკრედიტირებული პირის“ მიერ მომსახურების ხარჯების ანაზღაურებისა.**

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4 მხარეთა ვალდებულებები

4.1 მიმწოდებელი ვალდებულია:

ა) უზრუნველყოს წინამდებარე ხელშეკრულებით გათვალისწინებული სამუშაოების დასრულება **ხელშეკრულების გაფორმებიდან 25 (ოცდახუთი) კალენდარული დღის განმავლობაში** ხელშეკრულებაზე დართული შემსრულებლის მიერ წარმოდგენილი სამუშაოების შესრულების გეგმა-გრაფიკის შესაბამისად.

ბ) წარუდგინოს შემსყიდველს სამუშაოების შესრულების ამსახველი დოკუმენტაცია („ფორმა N2“ და „ფორმა N3“);

გ) ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

დ) უზრუნველყოს წინამდებარე ხელშეკრულებაზე თანდართული ხარჯთაღრიცხვით (შემდგომში „ხარჯთაღრიცხვა“) გათვალისწინებული სამუშაოების შესრულება სამშენებლო ნორმების და წესების დაცვით;

ე) უზრუნველყოს უსაფრთხოების ნორმების დაცვა;

ვ) სამუშაოების შესრულებამდე ხარჯთაღრიცხვით გათვალისწინებული მასალების, დანადგარებისა და მოწყობილობების

გამოყენების საკითხი შეათანხმოს შემსყიდველთან, აღნიშნული შეთანხმება შეიძლება განხორციელდეს როგორც წერილობით, ასევე მის გარეშე;

ზ) სამუშაოების მიმდინარეობის პროცესი უზრუნველყოს შესაბამისი რესურსით (მათ შორის ადამიანური რესურსით, მექანიზმებით, მოწყობილობებით და მასალით). აღნიშნული ვალდებულების დარღვევის შემთხვევაში, მიმწოდებელმა უნდა უზრუნველყოს შემსყიდველის წერილობითი შეტყობინებით დადგენილ ვადებში მდგომარეობის გამოსწორება;

თ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) სამუშაოების შესრულების ამსახველი დოკუმენტაცია („ფორმა N2“) წარუდგინოს ექსპერტიზის ან სხვა შესაბამის სამსახურს აღნიშნულ დოკუმენტაციაში ასახულ სამუშაოებზე დასკვნის გასაცემად;

ბ) უზრუნველყოს ხელშეკრულების შესრულების კონტროლი;

გ) განახორციელოს ამ ხელშეკრულებით მასზე დაკისრებული სხვა ვალდებულებები.

5 განხორციელებული სამუშაოების ხარისხი და გარანტია

5.1 შესრულებული სამუშაოს საგარანტიო ვადა (მათ შორის ყველა სახის დანადგარსა და მოწყობილობებზე) განისაზღვრება სამუშაოების საბოლოო მიღება-ჩაბარებიდან **XX (ვადა სიტყვიერად) წლის/თვის** განმავლობაში.

5.2 ხელშეკრულებით განსაზღვრული სამუშაოების შესრულებისას გამოყენებული სხვადასხვა მასალები და მოწყობილობები უნდა იყოს მაღალი ხარისხის და აკმაყოფილებდეს დადგენილ სტანდარტებს.

5.3 ხელშეკრულებით განსაზღვრული სამუშაოები შესრულებული უნდა იყოს საპროექტო დოკუმენტაციაში აღნიშნული ნორმების, წესების და მითითებების დაცვით.

5.4 ხელშეკრულებით განსაზღვრული სამუშაოები შესრულებული უნდა იყოს უსაფრთხო, ეკოლოგიურად მისაღები გზით და მინიმუმამდე უნდა იქნას დაყვანილი მუშაობით გამოწვეული ხმაური, ვიბრაცია და მტვერის გავლენა. აგრეთვე, სამუშაოების დასრულების შემდეგ უზრუნველყოფილი უნდა იქნას გარემოს სათანადო აღდგენა.

6 ხელშეკრულების შესრულების კონტროლი და სამუშაოს მიღება-ჩაბარების წესი

6.1 შემსყიდველის მიერ სამუშაოების შესრულების ვადების, ხარისხისა და მოცულობის ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი განხორციელდება პერიოდულად, როგორც სამუშაოების შესრულების დროს, ისე ამ ხელშეკრულების მოქმედების მთელი პერიოდის განმავლობაში შემსყიდველის მოთხოვნათა შესაბამისად.

6.2 ხელშეკრულების პირობების შესრულების კონტროლს განახორციელებს **სსიპ- შსს მომსახურების სააგენტოს საფინანსო, შესყიდვებისა და მატერიალურ-ტექნიკური უზრუნველყოფის სამმართველოს შესაბამისი უფლებამოსილი პირ(ებ)ი (თანამდებობა,**

სახელი, გვარი), რომელ(ებ)იც აგრეთვე უფლებამოსილია სამუშაოს მიღება-ჩაბარების აქტის გაფორმებაზე.

6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნით შესრულებული სამუშაო, მიმწოდებელი ვალდებულია შემსყიდველის წერილობითი შეტყობინებით დადგინდეს ვადებში გამოასწოროს წუნი ან თუ წუნის გამოსწორება შეუძლებელია და შემსყიდველს უკვე გადახდილი აქვს ამ წუნდებული სამუშაოს ღირებულება, დაუბრუნოს შემსყიდველს აღნიშნული სამუშაოს ღირებულება.

6.4 თუ ამ მუხლის 6.3 პუნქტით გათვალისწინებული წუნის გამოსწორების ვადა სცილდება წინამდებარე ხელშეკრულების 5.1 პუნქტში მითითებულ საგარანტიო ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს საგარანტიო ვადის გასვლამდე.

6.5 შემსყიდველი უფლებამოსილია არ მიიღოს შესრულებული სამუშაო იმ შემთხვევაში, თუ სამუშაოები შესრულებულია საპროექტო დოკუმენტაციის დარღვევით, რომლებიც გამორიცხავენ ობიექტის დანიშნულებისამებრ გამოყენებას ან შემსყიდველის მხრიდან მოითხოვს დამატებითი ხარჯების გაწევას ობიექტის საპროექტო მოთხოვნებთან შესაბამისობაში მოსაყვანად.

6.6 შესრულებული სამუშაოს, მათ შორის ეტაპობრივის, მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლის ხელისმოწერით ექსპერტიზის ეროვნული ბიუროს მიერ დადასტურებული ფორმა N2 საფუძველზე.

6.7 ამ მუხლის 6.2 პუნქტში მითითებული პირის მიერ მიღება-ჩაბარების აქტის ხელმოწერით, სამუშაოების მიღებასთან ერთად დასტურდება ხელშეკრულების შესრულების კონტროლის განხორციელება.

6.8 ის პერიოდი რომელიც სჭირდება შემსყიდველს ხელშეკრულებით გათვალისწინებული და ფაქტიურად შესრულებული სამუშაოების შესაბამისობის შესახებ ექსპერტიზის ეროვნული ბიუროს მიერ ექსპერტიზის დასკვნის შედგენასა და შედეგების შესახებ მიმწოდებლისათვის შეტყობინებაში არ ჩაითვლება წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებულ ვადებში.

6.9 ექსპერტიზის ეროვნული ბიუროს მიერ ექსპერტიზის დასკვნის და ხელშეკრულების შესრულების კონტროლის შედეგად თუ აღმოჩნდა, რომ ხელშეკრულებით გათვალისწინებული სამუშაოები შესრულებულია ხარვეზით, არასრულად და არ შეესაბამება ხელშეკრულებით გათვალისწინებულ პირობებს, ხოლო ამ მუხლის 6.8 პუნქტით განსაზღვრული ვადების ათვლის გათვალისწინებით მიმწოდებლის მხრიდან ადგილი აქვს ან შესაძლოა ქონდეს წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებულ ვადებში ხელშეკრულებით ნაკისრი ვალდებულებების შეუსრულებლობას, შემსყიდველის მხრიდან წინამდებარე ხელშეკრულების მე-10 მუხლის 10.1 პუნქტით გათვალისწინებული პირგასამტეხლოს ათვლა განხორციელდება შემსყიდველის მიერ მიმწოდებლისათვის ექსპერტიზის ეროვნული ბიუროს მიერ ექსპერტიზის დასკვნის და ხელშეკრულების შესრულების კონტროლის განხორციელების შედეგების შესახებ წერილობითი შეტყობინების დღიდან.

6.10 იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

6.11 შემსყიდველის მიერ საპროექტო დოკუმენტაციის თანახმად სამუშაოთა შესრულების საპროექტო საავტორო

ზედამხედველობა განხორციელდება პერიოდულად, როგორც სამუშაოების შესრულების დროს, ისე ამ ხელშეკრულების მოქმედების მთელი პერიოდის განმავლობაში შემსყიდველის მოთხოვნათა შესაბამისად. საავტორო ზედამხედველობას განხორციელებს შესაბამისად უფლებამოსილი პირ(ებ)ი.

7 ანგარიშსწორება

7.1 ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა – ლარი;
- ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2 შემსყიდველი იღებს ვალდებულებას აუნაზღაუროს შემსრულებელს სამუშაოს ღირებულება ეტაპობრივად, ყოველი კონკრეტული სამუშაოს შესრულებიდან კანონმდებლობის შესაბამისად ანაზღაურებისათვის საჭირო დოკუმენტაციის (ფორმა #2, ფორმა #3) წარმოდგენიდან **20 (ოცი)** კალენდარულ დღეში.

7.3 შემსყიდველი იღებს ვალდებულებას გადაუხადოს მიმწოდებელს შესრულებული სამუშაოს ღირებულება და მოახდინოს ანგარიშსწორება მიღება-ჩაბარების აქტის გაფორმებიდან და თანმდევი დოკუმენტაციის (საგადასახადო ანგარიშ-ფაქტურა) გამოწერიდან/წარმოდგენიდან **20 (ოცი)** დღის განმავლობაში. თუ კი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8 საავანსო საბანკო გარანტია

8.1 არ გამოიყენება

9 ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ვერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-12 მუხლის შესაბამისად.

10 ხელშეკრულების პირობების შეუსრულებლობა

10.1 წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული სამუშაოთა დასრულების ვადების გადაცდენის შემთხვევაში მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე შეუსრულებელი სამუშაოს ღირებულების **0.5%**-ის ოდენობით.

10.2 წინამდებარე ხელშეკრულების 6.3 პუნქტით განსაზღვრული პირობების დარღვევის შემთხვევაში, მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე წუნდებული სამუშაოს ან სხვადასხვა დანადგარ-მოწყობილობების ღირებულების **0.5%**-ის ოდენობით.

10.3 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11 ხელშეკრულების შესრულების გარანტია

11.1 არ გამოიყენება

12 ხელშეკრულებაში ცვლილებების შეტანა

12.1 ნებისმიერი ცვლილება წინამდებარე ხელშეკრულებაში (მათ შორის ხარჯთაღრიცხვაში, სამუშაოთა შესრულების გეგმა-გრაფიკში) განხორციელდება წერილობით ორივე მხარის უფლებამოსილი წარმომადგენლების ხელმოწერით.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13 დავების გადაწყვეტა

13.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

13.2 თუ ასეთი მოლაპარაკების დაწყებიდან **5 (ხუთი)** დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

14 ხელშეკრულების შეწყვეტა

14.1 შემსყიდველი უფლებამოსილია ხელშეკრულების ნებისმიერ ეტაპზე მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების

შესრულებას, ან საქართველოს კანონმდებლობით დადგენილ სხვა შემთხვევებში, რის შესახებაც შემსყიდველი წერილობით აცნობებს მიმწოდებელს.

14.2 შემსყიდველის მიერ ხელშეკრულების ცალმხრივად შეწყვეტის შემთხვევაში შემსყიდველი პასუხს არ აგებს ხელშეკრულების შეწყვეტის შედეგად გამოწვეული ზიანისათვის, გარდა საქართველოს კანონმდებლობით დადგენილი შემთხვევებისა.

14.3 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

14.4 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისგან.

15 ხელშეკრულების მოქმედების ვადა

15.1 წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს **2016 წლის 31 იანვრის ჩათვლით**.

15.2 წინამდებარე ხელშეკრულების 10.2 პუნქტი მე-5 და მე-6 მუხლები მოქმედებენ ამ ხელშეკრულების 5.1 პუნქტით განსაზღვრული ვადებისა და პირობების შესაბამისად.

16 ფორს-მაჟორი

16.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

16.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

17 სხვა პირობები

17.1 ხელშეკრულების მოქმედების პერიოდში, აგრეთვე ხელშეკრულების შეწყვეტის შემდეგ (ხელშეკრულების შეწყვეტის მიზეზის მიუხედავად), მიმწოდებელი ვალდებულია საიდუმლოდ შეინახოს მისთვის წინამდებარე ხელშეკრულების ძალით

ხელმისაწვდომი ინფორმაცია და უფლება არა აქვს გააცნოს მესამე პირს, ან გახადოს იგი საჯარო. აღნიშნული ინფორმაცია მოიცავს ნებისმიერ მონაცემს, რომელიც გონივრულად ან/და საქართველოს კანონმდებლობით ითვლება კონფიდენციალურად (შესაბამისი საპროექტო დოკუმენტაცია, სისტემების განლაგება და სხვა).

17.2 ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი - შემსყიდველს.

18 მხარეთა რეკვიზიტები:

შემსყიდველი

სსიპ- შსს მომსახურების სააგენტო,
მის: ქ. რუსთავი, თბილისი-წითელი ხიდის
გზატკეცილის 21-ე კმ,
საბანკო რეკვიზიტები: სახელმწიფო ხაზინა,
კოდი - TRESGE22, საიდ. კოდი - 205190513

მიმწოდებელი

შპს/სს/იმ/ფპ „XXXXXX“,
მის: ქ. XXXX, XXXX ქ. №XX
ტელეფონი: XXX XX XX;
საბანკო რეკვიზიტები:
ა/ა № XXX XXX XXX XXX
სს „XXXX ბანკი“ ბ/კ XXXXXX,
ს/კ: XXXXXXXXX